

Radunonza generala dalla pleiv catolica-romana

Breil/Brigels

Datum	Sonda, ils 19 da zercladur 2021
Temps	20.00 – 22.20
Liug	Casa da scola, Breil
Presenza	40 parochianas e parochians
Perstgisas	Clau Giusep Monn (suprastont), Gabriel Flepp, Cecilia e Duri Risch, Matilda e Martin Maissen, Ermano e Simona Tuor, Fidel Schmed, Luregn e Maria Carigiet, Patricia Herger, Corina Carigiet e Giulietta Cathomas
Presidi	Sep Cathomas, president
Protocol	Marcellino Flury, actuar
Tractandas	<ol style="list-style-type: none">1. Beinvegni ed elecziun da dus dumbravuschs2. Approbaziun protocols radunonza generala dils 27 da zercladur 20203. Rapport annual 2020 dil president4. Rapport dalla presidenta dil Cussegl pastoral5. Presentaziun dil quen final “sanaziun baselgia Breil”, approbaziun e scarica alla cumissiun da baghegiar6. Presentaziun dil quen annual 2020, rapport da revisiun ed approbaziun7. Presentaziun ed approbaziun dil preventiv 20218. Fixaziun dil pei taglia 20229. Elecziun da sur Sajan sco plevon da nossa pleiv10. Elecziun dil president e dils commembers da suprastonza per la perioda d’uffeci 2021-202311. Elecziun dils commembers dalla cumissiun da gestiun per la perioda d’uffeci 2021-202312. Elecziun d’in/a substitut/a el Corpus Catholicum per la perioda d’uffeci 2021-202413. Damonda da credit per lavurs da manteniment vid caplutta sogn Sievi14. Damondas e concessiun da dretgs da baghegiar el quartier Ruast, Breil15. Damonda per la cumpra dalla parcella en dretg da baghegiar nr. 495 e quartier Mirada, Breil16. Damonda dalla Brigels Golf AG per la concessiun dil dretg da baghegiar sin parcella nr. 5152, el territori da Tschuppi-na, Breil (zona da golf)17. Conclus concernent la vendita dil clavau pervenda, parcella nr. 6440 el quartier Capuot, Andiastr18. Informaziun concernent objects e funs dalla pleiv19. Informaziuns da nies plevon sur Sajan20. Varia

1. Beinvegni ed elecziun da dus dumbravuschs

President Sep Cathomas fa a tuttas parochianas e tuts parochians in cordial beinvegni a nossa radunonza generala. Quella ha per la secunda ga liug muort il virus da corona pér el meins da zercladur. Sco entschatta fa sur Sajan ina pintga oraziun.

Sep fa la proposta d'eleger mo in dumbravuschs e propona Pauli Tomaschett. El vegn elegius unanimamein.

2. Approbaziun dil protocol dalla radunonza generala dils 27 da zercladur 2020

Ord motiv dallas fetg biaras tractandas resumescha igl actur cuortamein il protocol suranumnaus. **El vegn silsuenter approbaus unanimamein.**

3. Rapport annual 2020 dil president

En siu rapport annual resumescha president Sep ils fatgs impurtonts che han influenzau las activitads da nossa pleiv igl onn vargau. Malgrad las restricziuns da Corona eis ei stau in onn cun bia activitads. La preschientscha restrenschiada sin 50 persunas tier survetschs divins e devoziuns ei stada ina grevezia ch'ei sco las ulteriuras mesiras da schurmetg vengidas respectadas da tut temps cun capientscha,.

Quei che ha pitii il pli fetg ein ils contacts socials ed aschia in liber brat da meinis. Quei savess era ver el futur in influenza negativa sin la participaziun allas sentupadas da nossa cuminonza.

En cavazins aunc enqual caussa impurtonta:

Nies plevon, sur Sajan, ei sevivius en bein en nossa cuminonza e s'engascha cun premura per pleiv e parochians.

L'integraziun dalla pleiv d'Andiast sesvilupescha vinavon bein. Deplorablamein ei la via da coligiaziun aunc buca realisada.

Ils 20 da settember havein astgau benedir e surdar la niev renovada baselgia parochiala da Breil a siu destin. Quei en preschientscha digl uestg administratur Peter Bürcher.

In impuls impurtont alla prosperitad ed al svilup da nossa cuminonza dattan las biaras persunas engaschadas ed involvidas sin basa voluntaria e senza indemnizaziun. Nus essan visai vi sin quei engaschi.

Sep engrazia a tuttas e tuts per quei grond engaschi.

Menziun meretan era nos trapassai. El supplichescha per in cuort mument da silenzi per els.

En sis sedutas ha la suprastonza deliberau ils pensums adossai ad ella tenor meglier saver e puder. El engrazia als consuprastonts per il bien spert che regia e per tut agid e sustegn.

Per dar sustegn a nies plevon ei vegniu introduciu igl onn 2018 ina seduta meinsila per coordinaziun ed informaziun. Deplorablamein ha la pandemia era impediü quellas sentupadas naven dil mars 2020 entochen il matg 2021.

Duront bien treis onns ei la cumissiun da baghegiar stada involvada intensivamein ella renovaziun dalla baselgia parochiala Breil.

El engrazia pil fetg grond sustegn dallas acziuns per la finanziaziun sco era per las donaziuns a caschun da sepulturas ed autras occurenzas.

Il credit concedius ils 24 d'uost 2017 tonscha per far tuttas lavurs.

Malgrad la finiziun da quella sanaziun restan aunc avunda objects che pretendan tgira ed investiziuns.

Dapi plirs onns dispona la pleiv da terren che stat a disposiziun en dretg da baghegiar. El 2021 ein duas parcellas el quartier Ruast a Breil ed ina el quartier Sut-Baselgia a Danis vegnidas mess a disposiziun a treis futuras famiglias giuvnas per erreger in agen dacasa.

Il funs ei affitau al puresser dils vischinadis. La finamira ei da reglar en tuts vischinadis las periodas d'affitaziun cul medem termin. Quei ei actualmein ord motivs da fusiuns buca il cass.

La fin 2020 ei la Fundaziun s. Clau per agid social e cultural vegnida sliigiada si. Quella ha avon ca. 20 onns rimnau varga 600'000.00 frs. per la renovaziun dalla caplutta da s. Clau a Pugaus. Egl avegnir eis ei pensum dalla pleiv da mantener vinavon quei object.

Nossa pleiv ei bein survida cun gl'engaschi e la lavur da nies plevon sur Sajan. Igl uestgiu ha dau il consentiment d'eleger el sco nies plevon.

Il 2020 ha la vischnaunca iniziou la sanaziun dil santeri a Breil. La finamira ei da finir las lavurs el decuors dalla stad. En quei connex vegn igl anteriur zenn grond, ch'ei dapi ils onns 1960 el museum Retic, anavos e tschentaus si el miez dil santeri sut ina suosta. La vischnaunca finanziescha la gronda part da quei project.

El decuors dil 2020 ein tschun personas extradadas da nossa cuminonza. Enzatgei tut niev ei era capitau en quei onn, numnadamein l'entrada da duas personas en nossa pleiv e baselgia catolica.

Alla fin da siu rapport engrazia il president a sur Sajan ed a tut las personas engaschadas el survetsch per nossa pleiv.

4. Rapport dalla presidenta dil Cussegl pastoral

La presidenta dil Cussegl pastoral, Patricia Derungs-Carigiet, declara ch'il rapport ei vegnius publicaus el fegl official dalla Surselva ed aschia desista ella da preleger quel. Ella menziunescha sulet ch'il Cussegl ha muort la pandemia buca saviu far gronds segls duront igl onn vargau.

5. Presentaziun dil quen final "sanaziun baselgia Breil", approvaziun e scarica alla cumissiun da baghegiar

La suprastonza ha decidu en sia seduta dils 24-04-2012 la sanaziun dalla casa pervenda. Ils 21-04-2013 ha la radunonza da pleiv decidu la sanaziun dalla casa pervenda ed en ina secunda fasa la renovaziun dalla baselgia parochiala. Per quellas duas incaricas ei vegniu elegiu ina cumissiun da baghegiar.

Adrian Bergamin rapporta sur dil quen final. El preventiv presentaus alla radunonza generala da pleiv dils 27 d'uost 2017 ei in credit en la summa da 1'350'000.00 frs vegnius approbaus. Il quen final muossa cuosts totals da 1'338'294.80 frs. Risquardont la cumpart dalla vischnaunca politica vid ils cuosts per la sanaziun dil clutger baselgia en la rama da 50%, respektiv 60'000.00 francs, seresultan cuosts totals da frs. 1'278'294.80. Visavi il preventiv in respargn da 71'705.20 frs. Grazia allas numerusas donaziuns en favur dalla renovaziun ed entradas ord las differentas accziuns en la summa da 277'913.95 frs e suenter las deducziuns dallas contribuziuns dalla tgira da monuments e dalla Baselia cantunala sereduceschan ils cuosts restonts per nossa pleiv sin rodond 460'000.00 frs.

President Sep ha fatg in extendiu e bi rapport final dalla sanaziun. Quel vegn publicaus sin la pagina d'internet dalla pleiv.

En votaziun unanima vegn il quen final approbaus e medemamein unanimamein vegn dau scarica alla cumissiu da baghegiar.

6. Presentaziun dil quen annual 2020, rapport da revisiun ed approbaziun

Nies responsabel per las finanzas, Michel Brunner, metta avon il quen annual 2020. Tier entradas da 518'428.90 frs. ed expensas da 516'535.88 siarra il quen cun in gudogn da 1'893.02 frs. Las amortisaziuns pigl onn 2020 muntan a 86'560.55 frs. La facultad dalla pleiv per ils 31-12-2020 ei 1'098'085.40 frs.

Michel menziunescha il fetg bien onn da taglia da cultus cun in augment da ca. 21'000.00 frs. Tier las hipotecas havein saviu fixar novs tscheins ed aschia spargniau ca. ¼ dils cuosts, respectiv ca. 4'000.00 frs. Tier ils tscheins per dretgs da baghegiar ei il recav ca. 6'000.00 frs. pli bass, demai ch' ils prezis da terren per m2 ein vegni adattai alla situaziun actuala.

La revisura Ida Berther-Cathomas raporta ch' il quen ei vegnius revedius e che tut ei en uorden. Tut las quittanzas e mussaments ein avon maun ed il quen beinmenaus. Ella engrazia a Michel ed al rest dalla suprastanza per la fetg buna e gronda lavur prestada.

Als presents approbeschan unanimamein il quen annual 2020 ed il rapport da revisiun.

7. Presentaziun ed approbaziun dil preventiv 2021

Il preventiv presenta da Michel quenta cun entradas da 481'500.00 frs. ed expensas da 496'000.00 frs. Las amortisaziuns ein calculadas cun 40'000.00 frs. Aschia seresulta ina sperdita da 14'500.00 frs.

Als presents approbeschan unanimamein il preventiv per 2021 sco presentau.

8. Fixaziun dil pei da taglia 2022

Il pei da taglia per 2022 duei restar sco tochen ussa sin 15%.

Era quei vegn confirmau unanimamein.

9. Elecziun da sur Sajan sco plevon da nossa pleiv

Sep declara che sur Sajan ei entaus en uffeci ils 1 da schaner 2019 sco plevon administratur. Quella incumbensa ei vegnida prolunghida igl onn 2020. Ussa lein nus eleger el sco nies niev plevon. Igl Ordinariat ha dau suatientscha a nies giavisch ils 11 da fevrer 2021.

Unanimamein cun 39 vuschs e cun grond applaus vegn sur Sajan elegius dalla radunonza generala sco nies niev plevon.

10. Elecziun dil president e dils commembers da suprastanza per la perioda d'uffeci 2021-2023

Cun excepziun digl actuar, el stat mo per in onn a disposiziun, stattan tut ils commembers dalla suprastanza a disposiziun per ina ulteriura perioda d'uffeci.

Ida Berther-Cathomas, commembra dalla cumissiu da gestiun, fa la tscharna e tuts vegnan reelelgi unanimamein e cun grond applaus sco proponiu. Quei ein, Sep

Cathomas, Michel Brunner, Andreas Pfister, Anita Tuor-Alig e Clau Giusep Monn per treis onns e Marcellino Flury per in onn.

11. Elecziun dils commembers dalla cumissiun da gestiun per la perioda d'uffeci 2021-2023

Era tier la cumissiun da gestiun ha ei dau neginas abdicaziuns. Aschia stattan els vinavon a disposiziun.

En tscharna unanima e cun grond applaus vegnan Ida Berther-Cathomas e Maurus Vincenz reelegi per in'ulteriura perioda d'uffeci.

12. Elecziun d'in/a substitut/a el Corpus Catholicum per la perioda d'uffeci 2021-2024

En la perioda d'uffeci 2021-2024 sa nossa pleiv metter in/a substitut/a el Corpus Catholicum. Tochen oz era actuar Marcellino delegau e president Sep siu substitut.

Per la nova perioda d'uffeci propona la suprastonza la consuprastonta Anita Tuor-Alig sco substituta.

Ella vegn elegida unanimanmein en quei post.

13. Damonda da credit per lavurs da manteniment vid caplutta sogn Sievi

Sin giavisch dalla suprastonza ha Ivano Rampa fatg in calcul da cuosts per las lavurs da manteniment vid la caplutta da s. Sievi. Ei setracta oravontut da lavurs egl exteriur e vid il tetg da schlondas dalla caplutta sco era certas remaduras vid ils maletgs murals egl intern dil baghetg. Il preventiv munta à ca. 140'000.00 frs., inclus la remadura digl access e provisoris per aua ed electricitad. L'execuziun dallas lavurs ei previda el decuors d'igl onn 2022. Per la finanziaziun vegn la suprastonza era a contactar la tgira da monuments e la Baselpia cantunala.

En votaziun unanima conceda la radunonza generala il credit da 140'000.00 frs.

14. Damondas e concessiun da dretgs da baghegiar el quartier Ruast, Breil

Las famiglias da Lea e Marcus Albin-Simeon ed Angelina e David Brunner-Cathomas fan la damonda per la concessiun da mintgamai in dretg da baghegiar el quartier Ruast, Breil. Il tscheins pil dretg da baghegiar sebase sin la surfatscha dalla parcella en m2 ed in prezzi da terren da 300.00 frs/m2 reduczius sin 60%, respectiv 180.00 frs/m2 ed in tscheins nominal da 1,5%. Sut quellas cundiziuns porta in dretg da baghegiar per ina parcella in tscheins annual da ca. 1'350.00 frs.

En votaziun unanima conceda la radunonza generala ils dus dretgs da baghegiar.

15. Damonda per la cumpra dalla parcella en dretg da baghegiar nr. 495 el quartier Mirada, Breil

La famiglia da Flurina e René Cavegn-Tomaschett han survegniu 1994 la parcella nr. 495 a Mirada, Breil, en dretg da baghegiar. Tenor art. 9, cefra 3 dil contract han ils proprietaris il dretg da cumprar la parcella sil pli baul tschun onns sunter che quel ei ius en vigur. Quei ei il sulet contract per in dretg da baghegiar dalla pleiv cun quei passus. Ord quei motiv ha igl Ordinariat dau alla pleiv la lubientscha da vender quella parcella. Quei sut las suandontas cundiziuns, prezi per m2 tenor contract da 1994 che munta à 180.00 frs., reparter il gudogn sil terren en favur dalla pleiv tier ina vendita el decuors dils emprems

15 onns 100% ed ils proxims 10 onns 50%. Il cumprader sa mo vender vinavon la parcella a persunas che ha dimora permanenta en vischnaunca da Breil.

Il recav ord quella vendita munta à 135'900.00 frs. (755 m² à 180.00 frs.).

Cun 30 gie e 10 abstenziuns conceda la radunonza generala la lubientscha da vender la parcella en dretg da baghegiar nr. 495 el quartier Mirada, Breil, alla famiglia da Flurina e René Cavegn-Tomaschett.

16. Damonda dalla Brigels Golf AG per la concessiun dil dretg da baghegiar sin parcella nr. 5152, el territori da Tschuppina, Breil (zona da Golf)

President Sep declara che la Brigels Golf AG ha el senn dad engrondir la piazza da golf el decuors dils proxims onns. Ord quei motiv fa ella la damonda per in dretg da baghegiar sin la parcella nr. 5152, ch'ei en zona da golf cun ina surfatscha da 4000 m². Il tscheins pil dretg da baghegiar ei offerius cun 0.25 frs. per m², respectiv 1020.50 frs/onn.

Cun 30 gie e 10 abstenziuns conceda la radunonza generala il dretg da baghegiar per 50 onns sin parcella nr. 5152 a Tschuppina, Breil, alla Brigels Golf AG

17. Conclus concernent la vendita dil clavau pervenda, parcella nr. 6440 el quartier Capuot, Andiast

Igl Ordinariat lubescha alla pleiv la vendita da quei clavau per ina summa minimala da 25'000.00 frs. Igl inspectorat dil cudisch funsil ha snegau da parcellar ora ina part dalla parcella ensemen cul clavau, quei ord il motiv ch'Andiast ha fatg ina meglieraziun funsila ils onns 1970. Aschia sa mo il clavau vegnir parcellaus ora cun la cundiziun d'ina lubientsch da baghegiar per la midada d'utilisaziun (Nutzungsänderung) senza diever puril. El mument ein 4 intressents s'annunziai per gl'aquist dil baghetg, quei denton sut la cundiziun ch'ina certa surfatscha da terren (ca. 500 m²) seigi colligiada cul clavau.

Cun 31 gie e 9 abstenziuns conceda la radunonza generala la lubientscha da vender il clavau pervenda, parcella nr. 6440 el quartier Capuot, Andiast

18. Informaziun concernent objects e funs dalla pleiv

Il responsabel, Andreas, informescha sur da sia incarica. In part impurtonta ei il contrahar cun nos affittaders da terren, la pli gronda part terren agricol. Cheu vegnan ils contracts serrai giu per mintgamai 6 onns. La visada ha da succeder sil pli tard ils 31 da december digl onn avon, succeda quei buc en uorden vegnan ils contracts prolunghi automatic per 6 onns.

A Breil, Dardin e Danis/Tavanasa eisi reussiu da far novs contracts sin l'entschatta 2022, aschia che quels termins crodan egl avegnir il medem temps.

Els vischinadis ha ei las suandontas surfatschas da schar a tscheins:

Breil, 2000 aras e 5 clavaus a 16 affittaders; Dardin, 537 aras e 4 clavaus a 5 affittaders; Danis/Tavanasa, 373 aras e 2 clavaus a 3 affittaders; Andiast, 457 aras e 2 clavaus a 3 affittaders.

La tgira da tut ils baghetgs ei in auter pensum. Nossa pleiv ei en possess da 4 baselgias parochialas, 4 casas pervendas, 16 capluttas (Breil 6, Dardin 4, Danis/Tavanasa 2, Andiast 2) e 13 clavaus (Breil 5, Dardin 4, Danis/Tavanasa 2, Andiast 2)

19. Informaziuns da nies plevon sur Sajan

Sur Sajan engrazia che nus acceptein el sco el ei ed el damonda cun in surrir sche nus hagian patertgau bein d'eleger el sco nies plevon. 2019 hagi el buca cartiu ch'el stetti liung temps a Breil mo uss seigi el seclimatisaus, sappi empau nies lungatg e hagi grond plascher d'esser cheu en nossa cuminonza Era la lavur communabla plai fetg bein ad el.

20. Varia

Pauli Tomaschett porta il giavisch sch'ei fuss pusseivel da far in survetsch divin ils 2 da november (Numnasontga), il di dallas olmas sco era da gliendisdis Tschuncheismas. Mintgaton fuss ei era da preveder survetschs divins la dumengia sera.

President Sep engrazia a tuttas parochianas e tuts parochians per la presenza alla radunonza generala da questa sera. Ord motivs enconuschents renunziein nus era uonn agl apéro usitau.

Breil, 19 da settember 2021

Igl actuar

Marcellino Flury